

ԱԼԵՔՍԱՆԴՐ ԴՄԻՏՐԻԵՎԻԶ ՊԵՏՐՈՎ

1964 թ. հունվարի 31-ին ծանր, երկարատև հիվանդությունից հետո Մոսկվայում վախճանվեց խոշոր օրգանիկ-քիմիկոս, ՍՍՌՄ ԳԱ թղթակից-սենդամ պրոֆեսոր, դոկտոր, Պետական մրցանակի լաուրեատ Ալեքսանդր Դմիտրիևիչ Պետրովը։

Ա. Դ. Պետրովը ծնվել է 1895 թ. օգոստոսի 15-ին Պետերբուրգում։ Առաջին համաշխարհային պատերազմի ժամանակ ուսանող Պետրովը զորակոչվում է բանակ և մասնակցում պատերազմին ռուս-տաճկական ռազմաճակատում։ 1918 թ. նա կամովին մըտնում է Կարմիր բանակի շարքերը և գտնվելով բանակային ծառայության մեջ, 1922 թ. ավարտում է Պետերբուրգի համալսարանը, դրանից հետո նրա ողջ կյանքը կապված է եղել գիտահետազոտական և մանկավարժական աշխատանքի հետ։ Սկսած 1925 թ. մինչև կյանքի վերջը Ա. Դ. Պետրովը աշխատում էր ՍՍՌՄ ԳԱ, սկզբում Նիկոլայ Միկոլայովիչ Բարաբիտսկուի ղեկավարությամբ օրգանական քիմիայի ինստիտուտում որպես պիրոգենային պրոցեսների (հետազոտում՝ ածխաջրածինների) լաբորատորիայի վարիչ։ Ա. Դ. Պետրովի առաջին գիտական աշխատանքների ցիկլը կապված է ալիֆատիկ շարքի ածխաջրածինների, կետոնների և թթուների կատալիտիկ փոփոխությունների հարցերի հետ։ Մի խումբ աշակերտների հետ միասին 15 տարիների ընթացքում նա ծավալուն հետազոտություններ է կատարել մոտորային վառելիքների ու նավթի քիմիայի բնագավառում, ուսումնասիրելով վառելիքների դետորկտիվ հիդրոգենիզացիայի ու վոլտոլալին լուղերի գոյացման քիմիզմը, մեթանի կրեկինգից ստացվող ացետիլեն-ջրածնային խառնուրդների կատալիտիկ հիդրոման ու պոլիմերացումը, անհատական ածխաջրածինների ստացումը և այլն։ Այդ աշխատանքների համար 1947 թ. Պետրովը պարգևատրվել է Պետական մրցանակով։



Բառասուռական թվականների վերջին, շարունակելով ածխաջրածինների բնագավառում կատարվող հաջող ուսումնասիրությունները, Ա. Դ. Պետրովը մեծ եռանդով սկսեց զբաղվել օրգանական քիմիայի նաև մի նոր բնագավառով՝ սիլիցիում-օրգանական միացությունների քիմիայով և ստեղծեց այդ բնագավառում աշխատող իր աշխատակիցների մի կուռ կոլեկտիվ, որը առա-

շատար դեր գրավեց երկրում սիլիցիում-օրգանական մոնոմերալին միացությունների քիմիալի բնագավառում:

Վերջին տարիների ընթացքում Ա. Դ. Պետրովն իր աշխատակիցների հետ միասին մեծ աշխատանք կատարեց լվացող նյութերի սինթեզի գիտական հիմունքներ ստեղծելու ուղղությամբ, առաջարկեց ալիֆատիկ թթուներ, ապիրտներ և ամիններ ստանալու օրիգինալ եղանակ: Նրա գիտական հետաքրքրությունները սերտ կերպով կապված էին քիմիական արդյունաբերության հետ, նրա մի շարք աշխատանքները ներդրվել են արդյունաբերության մեջ:

Ա. Դ. Պետրովի գրչին են պատկանում ավելի քան 500 գիտական աշխատություն և 13 մենագրություն ածխաջրածինների սինթեզի և կատալիտիկ փոխարկությունների, մոտորային վառելիքների վերաբերյալ, օրգանական արդյունաբերական սինթեզի դարգացման պրոբլեմների, սիլիցիում-օրգանական միացությունների վերաբերյալ, 3 մենագրություն նվիրված բույսերի քիմիական պաշտպանությանը:

Մեծ է Ա. Դ. Պետրովի վաստակը գիտական կադրերի և արդյունաբերության համար ինժեներներ պատրաստելու գործում: Երկար տարիներ նա եղել է Մոսկվայի Դ. Ի. Մենդելի անվան քիմիատեխնոլոգիական ինստիտուտի նավթաքիմիական սինթեզի ամբիոնի վարիչ, իսկ վերջին տարիներս՝ ամբիոնի պրոֆեսոր, Դոբրլու համալսարանի ամբիոնի վարիչ, ստեղծել է գիտական մեծ շկոլա, դաստիարակել է մոտ 70 թեկնածու և դոկտոր, որոնք աշխատում են երկրի բազմաթիվ գիտական կենտրոններում:

Ա. Դ. Պետրովը երկար տարիների ընթացքում եղել է ՍՍՌՄ ԳԱ Վրաստանի, Հայաստանի և Ադրբեջանի ֆիլիալների խորհրդատուն և աչքի ընկնող օգնություն է ցույց տվել ինչպես այդ, նույնպես և այլ ուսնալուբիկաների քիմիական ինստիտուտներին և քիմիկոսներին իր մշտական խորհուրդներով և որակյալ քիմիկոսների կադրեր պատրաստելով:

Ա. Դ. Պետրովը մեծ աշխատանք էր կատարում որպես բարձրագույն ատեստացիոն կոմիտեի էքսպերտային հանձնաժողովի անդամ, ՍՍՌՄ Մինիստրների Սովետին կից Պետական կոմիտեի մի շարք գիտական խորհուրդների, գիտահետազոտական աշխատանքների կոորդինացման և քիմիալի կոմիտեի անդամ, որպես մի շարք ճյուղային գիտական հիմնարկների խորհրդատու:

Ա. Դ. Պետրովի աշխատանքները ճանաչում են գտել նաև մեր երկրի սահմաններից դուրս. նա ֆրանսիական, գերմանական և ամերիկյան քիմիական ընկերությունների անդամ էր և մի շարք միջազգային կազմակերպությունների տշխատանքների ակտիվ մասնակից: ՍՍՌՄ կառավարությունը բարձր է գնահատել Պետրովի ծառայությունները և պարգևատրել էր Լենինի և Աշխատանքային կարմիր դրոշի շքանշաններով:

Ա. Դ. Պետրովի՝ որպես մարդու, քաղաքացու, գիտնականի և ուսուցչի պայծառ հիշատակը երկար կապրի նրան ճանաչողների սրտերում: